



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 23/203	Løpenr: 23/2011
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	09.03.2023	020/2023

Faste saker

09.03.2023 Kommunestyret:

Handsaming i møtet:

Tidsforbruk på faste saker i kommunestyremøta

Ordførar Knut Harald Frøland (Bl) orienterte om at han legg opp til at det i kommunestyremøta framover skal brukast maksimalt to timar til faste saker, inkludert spørsmål og interpellasjonar.

Eventuelle merknader til protokoll frå førre møte:

Gunn Totland Moss (KrF) hadde merknad til innhaldet i pressemeldinga som kommunestyret 23.02.2023 vedtok i sak 018/2023. Merknaden gjekk på at ho meiner det ikkje var nødvendig for kommunen å koma med dei opplysningane som vart gjevne i pressemeldinga, og at ho trur at dette kan føra til unødvendige provokasjonar.

Det var ingen andre merknader til protokollen frå førre møte.

Dagmøte i kommunestyret resten av 2023

Ordførar Knut Harald Frøland orienterte om at han ønskjer at alle kommunestyremøta i resten av 2023 skal haldast på dagtid, med møtestart kl. 08.30. Etter ein debatt om dette i møtet, vart det gjennomført røysting om spørsmålet. Det vart med 18 mot 3 røyster vedteke at resten av kommunestyremøta i 2023 skal haldast som dagmøte med møtestart klokka 08.30.

For dagmøte	Imot dagmøte
Knut Harald Frøland (Bl)	Linda Haug Kollbotn (Frp)
Lena Tveit (Bl)	Odd Arne Haga (Frp)
Anja Elisabeth Gjerde Markhus (Bl)	Karl Bård Kollbotn (Frp)
Knut Loneland Høibraaten (Bl)	
Ove Totland (Bl)	
Øyvind Steinsland (Bl)	
Solveig Vassenden (Bl)	
Martin Haugen (Bl)	

Shirin Kvernes Khadoor (Ap)	
Gunn Østvik Petersen (Ap)	
Harald Boge (Ap)	
Jon Magne Borgevik (Ap)	
Øyvind Røen (Sp)	
Gunn Totland Moss (KrF)	
Arild Røen (H)	
Øyvind Strømmen (MDG)	
Oskar Røen (MDG)	
Monica Tjønnå (Uavh)	

Rådmannen orienterer:

- **Eldre i aktivitet.** Rådmann Ove Sæbø orienterte om at så mange som 18 personar i aldersgruppa 65–80 år møtte på kommunen sitt trimtilbod på føremiddagen 08.03.2023. Dette er svært gledeleg, men det var berre kvinner som møtte. Det bør arbeidast for også å få menn med.
- **Arbeidsmiljøundersøking for tilsette i kommunen.** Rådmann Ove Sæbø orienterte om undersøkinga, som vart gjennomført i november 2022. Det blir no arbeidt med oppfølging etter undersøkinga.

Spørsmål:

Plan for førebyggjande vedlikehald

Odd Arne Haga (Frp) viste til spørsmål som Frp har stilt om plan førebyggjande vedlikehald, og sakna svar på dette. Ordførar Knut Harald Frøland (BI) svara, og orienterte om at det vil koma opp sak i kommunestyret sitt møte i juni 2023.

Reguleringsplan for Lauskarmyra

Odd Arne Haga (Frp) spurde om status for arbeidet med reguleringsplan for Lauskarmyra. Kommunalsjef Hilde-Lill Våge orienterte på bakgrunn av dette om status for arbeidet med områdereguleringsplanen for Bjørkheimsområdet, der Lauskar inngår.

Status rivingssak på Ytre-Tysse

Linda Haug Kollbotn (Frp) viste til at kommunen har kravd riving av eit hus på Ytre-Tysse, og spurde om kva som er status for effektivering av rivinga. Kommunalsjef Hilde-Lill Våge orienterte om at administrasjonen må få koma tilbake med svar i neste møte.

Utleige av rom på Samnangerheimen

Linda Haug Kollbotn (Frp) viste til informasjonen som vart gitt i kommunestyret 23.02.2023 om utleige av rom på Samnangerheimen til ein annan kommune, og orienterte om at ho synest at desse romma ikkje burde vore leigde ut. Ordførar Knut Harald Frøland (BI) viste i samband med dette til spørsmål om kven som har mynde til å avgjera om rom på Samnangerheimen skal leigast ut til andre kommunar. Rådmannen svara at han må få koma tilbake til dette spørsmålet i eit seinare møte.

Forvaltningsrevisjon av BIR

Arild Røen (H) viste til forvaltningsrevisjonen som selskapet BDO på vegner av Bergen kommune har gjort av BIR. Han orienterte om arbeidet med oppfølging av forvaltningsrapporten, og om at han har bedt om å få ei orientering i kontrollutvalet.

Bruk av gjenbruksstasjonen i Raunekleiva

Linda Haug Kollbotn viste til det gode tilbodet om levering av avfall ved gjenbruksstasjonen i

Raunekleiva, og at det bør vera heilt unødvendig at avfall blir kasta andre stader rundt om i kommunen. Ho spurde om det eventuelt er noko kommunen kan gjera for å informera endå betre om tilbodet og dei låge prisane ved gjenbruksstasjonen i Raunekleiva.

Rådmannen sitt framlegg til vedtak vart samrøystes vedteke.

KS- 020/2023 Vedtak:

Resten av kommunestyremøta i 2023 skal haldast som dagmøte med møtestart klokka 08.30.

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Spørsmål og interpellasjonar.